

崇百藥齋三集

崇百藥齋三集序

陽湖陸子饌其甲申以來四年之詩爲崇百藥齋弟二
集合詩詞四卷長洲宋翔鳳爲次弟其目而序之曰陸
子年過知命名困外吏茆茆多病時時傷心有難割之
恩成無方之別故經以山川緯以離合見其淺也挹之
則深見其近也推之則遠所謂不得已之言尤足以傳
也前者兩集之成合數十年之作旣已鍛鍊章句切磨
聲音使讀者惜少壯之意氣識沈淪而俯仰或者謂詩
人之慷慨無濟於事業是皆肆奇懷而不返摛藻景而
遂流若夫忠厚惻怛明其本原沈憂懔恍推其極至此
固平昔之蘊積偶寄託於詞章爾茲以方滯常調仍爲

旅遊挈累皖水卒業方志廉使崧亭先生既耽玩其舊
集復濶覽夫新篇爲付剗剔使人快覩陸子乃更商其
去畱因致往復風雲之氣欲歛冰雪之懷斯結然或緣
情不嫌綺靡設境以致纏緜摠千慮於一愛露萬端於
片言此騷客以歲晚而惜衆芳詩人以道遠而增雜佩
理有限制故和而不流義有歸宿故擇而尤雅咏嘆之
不足引申於無窮蓋積差池於去日願馳驅於末路攬
采蕪穢潤沃焦枯形之於言斯益悲矣吾與陸子金石
論交道里相憶人涉叩否時咏於摻祛謀適不用常縈
於贈策各在岐路同此早衰日月不居篇牘逾積雖曰
茂矣又奚益乎然又思詩所爲作一篇之中不忘乎已

不忘乎人者皆以寬博之願空有所蓄而疾痛之故思
有以達豈其日暮途遠而徒爲無繆不平陸子雖以拓
落猶非棄置將可措施則廉使爲續布其詩蓋亦深知
其志力之所在并爲抑塞者發其情也道光八年三月

崇百藥齋三集目錄

第一 傷逝集

第二 梅心集

第三 望雲集

第四 玳梁集

第五 玳梁乙集

第六 玉燕集

第七 焚巢集

第八 望雲乙集

第九 薌溪集

第十 息陰集

第十一

序

記

碑

銘

述

第十二

墓表

墓誌

崇百藥齋三集第一

陽湖陸繼輅祁孫

傷逝集

甲申

病起用汪公子

正榮

見寄詩韻

曉霧未成雨落墻上薄
曛病懷仍黯黯花片已紛紛
開研思殘墨繙經失舊聞
峭寒蛛網覺著意織簾紋

哭劉潁州

珊

春林如夢復如煙
暝色全低望遠天人惜
淮陽資臥治我疑子晉
本飛仙肩輿小雨邀還
坐病枕昏燈憶對眠
一樣相思不相見
誤招歸雁寄吟箋

楚天容易薄寒侵
病訊傳來乍淺深
鏡裏孫郎尤惜面

君初苦脚腫自下而上琴邊司馬久無心
君詩才艷異而少戒持嚴

數日即過項不復可治千篇未了三生慧
一慟平連十日陰見說徐君墓旁路

靈旗縹緲出疎林君自言以請免河帑一事
冥司論功當廟食泗州

潑水刀光照眼明黃巾小隊正縱橫吹笳自作千夫長

滋蔓曾勞九道兵曲逆貌看戎服稱晉公來已蔡州平

尺書誇我詩題好紀事恩恩馬上成此首述君擒
邢名章事

娟娟秋露欲為霜為惜清輝忍乍涼倚檻心情成隔世

離筵涕淚已千行碧紗悔與籠詩識白戰猶煩索報章

君病中有詩見懷獨有憐才孔文舉會稽一語斷人腸

用東坡聚星堂韻
平叔侍郎書來深
以君體弱為慮

得子濤書

一病經春掩綺疏燒殘艾納未全除朝來手卷湘簾坐
恰展楊郎第一書

病中間先姊之赴倚枕作文先命聰應設奠稍愈
復爲位而哭焚致一詩

草草攜家悔遠征饑驅能使別離輕更誰見面如慈母
無復裁箋署小名他日憲昭應合傳先五姊守節如最

難丞簿有循聲謂昌慈事親教子心都盡怪底臨岐一笑

行姊自知亡日手檢殮具一如先太孺人

孫司馬餉筆試寫三絕句

病起值新霽喜見日杲杲經月不開窗方知有窗好
浮雲上距月輪不知幾千萬里遮却下界清光何與姪

娥曠喜

偶惜落花曠夜雨欲留殘雪惱春風浮生恩怨渾如許
泡影紛紛一笑空

戲題桃花源圖

居然風景寫來真我却桃源嬾問津雞犬長生花壽短
此時愁煞再游人

錢太守僑居白門以弔劉潁州之喪枉道過訪留
近詩兩冊屬爲刪定別後却寄

頻年宦蹟感搏沙故吏仍勞走素車

潁州爲合肥令
時君方守廬州傷

逝始驚春夢短耽吟好在夕陽斜全家屋借江邊艇三
月愁生陌上花未敢負公誣諉意一燈商榷到尖叉

余與劉潁州相約斷酒五年矣潁州歿後以下藥
故稍稍開戒數日來非連引巨觥不能成寐感念
亡友愴然成詩

漫向高陽數舊徒病來蹤跡避黃鑪下車詎擬爲馮婦
罵坐兼煩戒灌夫夢裏酒泉聊乞郡愁中鳥語勸提壺
傷心春雨沈沈夜小別曾憐燭影孤

聞劉潁州歿後爲泗州城隍之神近日城隍神多
有姓氏可據者而蘇緘爲邕州城隍乃見於宋史
蓋地示人鬼叅用久矣聊賦一詩焚寄亡友

一紙除書下九天依然試吏不成仙

君朝考高等未入翰林

敢拋

鬼簿窺中秘若較官階是左遷元伯可能來夢裏寇君

元想借生前

君本由泗州牧擢守潁州

丁甯急為消氛稜積潦妨耕

已十年

綠牡丹四韻和寄孟塗

病起尋春春已歸綠陰如夢一徘徊儘教侍女牽蘿去
難拒僊山放蝶來草淺可容藏絕艷竹成正擬潑新醅
寄聲刻翠樊南筆值為朝雲又費才

獨夜

獨夜理殘夢不知身已醒交期泉路久暗雨故鄉聽冷
宦仍千里甘蕉又滿庭晚晴宜晏起愁報一車停

門人夏秀才

雲

歿逾月矣行過曾圍揮淚有作

老梅出屋攬明月石獸著落披綠蓑

李文定宅廢為蔬圃惟兩石獅尚存

都是孤行淒絕處一回經過一摩挲

劉公子奉遺命來乞墓誌感而有作

當時過許習銘章戲語會要盡一觴正恐蔡邕慙有道

未須朱勃是同鄉踰溝如約剛三刻

君乘雨渡河生擒
邢名章遂邀花翎

之賜墮淚無碑已萬行我亦負薪廉吏子生金直擬續奇

祥

偶題和子聘

愛才宰相平津館偕老蓮華學士莊閒向方塘同照影

玉人猶著嫁時裳

歸朝牙繡未全辜抗疏先除故郡租稍恨當時亡妾淚

不分一掬灑靡蕪

山色波光總餉愁，隔江望斷舊粧樓。怪他三月初三夜，那有新詩詠玉鉤。

故物空煩著意尋，一庭桃李換新陰。虞山最是相思地，紅豆無情活到今。

重開塵鏡畫新蛾，斷粉零香委逝波。卿輩姓名誰記省，至今惟唱石城歌。

蝶磯夫人祠

餘火翻資敵沈淵，豈徇名文偏良史。闕恨未暮潮平憶昔甯，親急微傷去國輕。何圖椒寢建不暇，鞠衣迎古道。蠶叢遠訛言，鶴唳驚家門。慙九錫兵法誤，連營忠節兼。臣妾恩讎付舅甥，重滋湘竹色。忍聽杜鵑聲，爲感黃陵。

廟興懷白帝城流虹虛子貴夢月兆辰羸詎泄謀桑語
都忘就木盟神傷蔣侯妹骨謝漢家瑩正統名原在彌
安勢竟成興亡前代事伉儷百年情睂影遙山感刀光
夕照橫攀蘭遺下女心薄鞮塵生

一雨

一雨散羣客快於書絕交多言乘病戒綺夢過春拋老
樹山僧瘠孤花村女姣眼前皆伴侶聊欲號烏巢

齒痛戲作

楚客讒微辭晉政咎輕詆臣性最淺直一望徹表裏座
揮錢鳳幘弦激陳琳矢嫉惡如嫉讎諤諤頗自喜三彭
上彈章勅下冥司理夜來夢置對申辨不委靡冥司鑒

臣愚無例可援擬一疏回天瞋狂生竟免死牙慧當削
除薄懲荷溫旨非別亦非髡一過擊一齒橫排三十二
此痛曷云已

舌柔斯長存齒剛輒易折常譚吾久聞信汝尙志節豈
知實庸奴含垢強就列上慙蕭太傅和藥促引決下愧
翁子妻故夫一言訣人方思拔釘彼自陳戀闕不悟賜
空函徒勞佩金玦難繫終童纓孰擊段公笏計惟鄰女
梭一擲當快絕

行汝旣乏術留汝復何如當餐不我阻就枕無爾虞果
我腹便便甘我夢遼遼約法至簡易積怨悉消除豈徒
去我疾庶用奠汝居編貝還東方火攻謝阿奴朝滋張

乳暮饜郇公厨有時過靈妃譚元必汝俱汝亦無不利傾危匪良圖齒聞似感動改過神所俞急招梁夫人一笑回清臚

爲劉潁州點定遺集書後

短短交期悔造因一篇絕筆最傷神

續集五卷終於用聚星堂韻見懷之

作死無月戶棲才鬼生少雲臺畫壁人奇識先摧曾倚

樹學舍垂柳一株君來卽徙倚其下去秋忽爲大風所拔

工愁休誤再來身喪舟

望斷歸帆影那得吟魂入夢頻

哭貴筑黃氏從孫女并示聰應

送汝曾悲萬里程大歸又痛燕孤鳴空餘紋佩圖遺像

增以通判待次敢望

江南未及真授

絲綸予特旌

女守志在三十後

同穴有言難踐約衰宗誰後不

知名一詩留取當遺令寒食年年上塚行

和虞廷見懷之作次來韻

付命非一端造物各有故天長人壽短何由得目遇苦
樂祇自知褊心易成慕假令易境處必悔失故步吾友
文而儒託業在豪素辭擷江鮑秀經守許鄭詰奔馳不
廢學問道未云暮君如羨杜門我正快行路

附錄

宋翔鳳

言念少年游存劬各多故陸機賦早成終感士不遇
五載客廬江官冷歎遲暮所幸著書勤當接古人步
頻煩損尺書落落道平素文辭究波瀾經義窮訓詁

千秋一室中此意吾誠慕誰知寒暑易不子在岐路
命君孚代錄近詩伯游見而工之作詩見寄譽及
老夫戲答

病來放筆愧歐虞嬌女裁牋足起予誰識山陰狂大令
趨庭不習右軍書

附錄

陳方海

故人舌在尚工吟弱女能知閉戶心想見中郎傳筆
勢一庭花雨過春深

汪五 正榮 雨窗懷舊圖

索居逾五年雙眉蹙不展問我何所苦懷舊意難遣汪
生同此心懷舊寫作圖不知所懷誰但感氣類孤美人

娟娟隔秋水夢裏朱顏不會改願抱相思下九淵不願
相逢失光彩君不見汪生苦雨我苦晴閒庭月出生遙
情君如攜我月輪去我亦令君雨聲住

張秀才 丙漁村圖

與君先世皆釣徒宜君示我漁村圖漁村之圖橫暮靄
髣髴山容見西塞瀟湖雖好客思歸夜夢閒鷗落衣袂
閒鷗不閒方苦饑急羽鎮逐哀鴻飛明朝求得雨一尺
遲我漁村踏雙屐

禱雨歎二首

朝步禱夕步禱雲峰插天日杲杲去年米賤潦猶可今
年米貴旱殺我太守縣令皆清官那有廉泉救急火就

中我是蟻蝨臣逐隊叩頭心有云江南農勤江北情旱
是天災憫人禍城河久塞塘無多天未欲雨當奈何
前日禱雨歸雷聲震檐瓦今日禱雨歸雨聲亦飄灑冷
官手種蔬一畦兩度得雨蔬不知蔬兮槁死何足道別
有芳蘭委秋草

虹

東虹日出西虹雨虹今在東奈何許去年積潦三尺強
萬日向東那見汝虹兮不辨東與西所望主者爲轉移
我無長劔倚天外不于空庭下虹拜

示雪慧

離緒汝初覺征途我自支料量儲藥裹反復問歸期風

色一帆利江行六月宜瓊田連理樹多事長駢枝

于役皖江湖舟雜感

生路覺路長熟路覺路短據鞍七度走京華此日一帆
翻更遠人生久逸乃生疾五年驅病渾無術江光山色
八日程自訝離懷底蕭瑟君不見路長路短在客心摩
挲髀肉淚滿襟

廬州城河久淤塞終歲不聞欸乃聲有時送客到湖口
暫使雙眼生光明今來盡日推篷坐快意清波洗塵泥
何當徑趁一帆風兩點金焦掠窗過

衾簟生涼客夢醒推篷乍失征帆影巢湖便擬銀河通
碧月照人猶在頂吾家老屋筇澤西五瀉一舟橫釣磯

江鄉米賤亦須買鱖魚正美將毋歸

臨湖司馬梁溪薛

玉堂

兩度辭官意鬱鬱卸帆且復訪

友來知君見我心顏開鬚鬢無情瞋不得一回相逢一
回白浮生來日知幾何三百六旬珍此夕莫將得失預
較量一笑揜償淚沾臆

周郎

濟

貽我一卷詩舟行不聊日諷之馬中赤兔人中

布追及烏輪氣猶怒有時大戟化作鍼柳絲花朵橫羅
襟珠歌翠舞酣長夜一夢還家苦無暇有時熱淚接春
潮萬弩排江不能射恒星墮地水上天東汎西汎犁爲
田待君歸耕復幾年

姥山之東一洲峙上築道院旁無鄰此間倘復容小住

應少元規塵汚人江南絕境行處有羅莊木瀆都成負

縱教絹素能久留

向與蓮裳擬木瀆結鄰船山為作圖後保緒又有羅莊買田之約潔士為

圖作識取朱顏是誰某邱壑還須早置身萬事何堪待衰

醜

湖波何澹沱客意共閒暇豈知去年秋浮屍蔽湖下場

雨應期人不珍張弛稍過皆足以殺人鷺鷥一飽差易

得坐待甘霖亦頭白

時望雨甚急

輕舟如葉水接天舟中人擁桃笙眠若教風浪忽相激

甯免蒼黃動魂魄風南風北安可知舟行不行人所持

君不見柁師安坐揮羣楫不視客心為緩急

日行灤湖中夜宿灤湖裏湖深月黑天茫茫疑有潛虬

挾舟起書生生性如沙鷗浩蕩不識風波愁凌晨說夢
殊怪偉玉珮珠璫探懷在龍姑一曲縱筆成惜哉不以
此筆賦

帝京

湖心晚泊待月未果

昨宵泊處望全迷別緒偏懸落日西明暗水分船左右
回環山學浪高低故人或已聞靈離謂畫水清夢惟應

化浴鷺預擬歸帆須卜夜一鈎等取招柔荑

曉月謠灩湖舟中作

天色深湖色淺朝雲高翠帷卷天色淺湖色深微風吹
動羅襟廣寒仙人仙夢歇手整煙鬟出瑤闥露重香濃

隔玉顏一鉤窺見金跳脫

舟過居巢擬訪李明經痛不果

高閣豈待賦破浪非所期一葉浮瀟湖夾岸青山馳快
馬輕刀好身手十年消向孤篷酒聽水聽風獨客心夕
陽倚遍沿隄柳黃浦春潮照影渾洛河秋牖留人久浮
槎山下掩蓬廬略比牽舟岸上居借得布帆思訪友那
煩梁燕作前驅怱怱翻負羅浮約建業風高不能泊絕
倒天涯兩廡公何時同跨南飛鶴見亦徒然別又悲臨
岐且免淚雙揮寒簣解識相思意爲我看痕燈不開

重閱王衛輝蘇詩有感

漫說書生文福齊豈知仍是憶雲泥歎筵淚灑彈箏後

病榻心飛落日西楚帳何人當側盾吳江快意試燃犀

由來枕上遊仙近悔共劉郎聽曉雞

愈湜題門三度看君借卿細孝逸三度過從知在郡重

孤寒戴頭太尉鋤強易露齒歐陽息謗難此日尙驚詩

膽放急喪誰信宦情閑因君并憶吹香閣莊邠州招余與君相見處

邠州歿後閣亦漸廢矣折到花南第幾欄

和頻伽見懷次來韻

我交三郭一郭死厚菴舍人蘭池近者疎吾徒感君寄書語

款款觸我懷舊心區區狂蹤傳世雜真偽微志耿胸今

有無且當快意吐冰雪此物未至銷洪鑪

附錄

郭麐

早應宮禁呼才子老向煙波作釣徒人世升沈原爾

爾畢生著述亦區區青氈未必豪情在紅蠟能知舊

淚無嵇阮漂零應劉逝西園時客邗上題襟館何似酒家鑪

舟過臨湖薛司馬玉堂張博士興鏞屠州倅慕會

劉刺史用錫分日招飲

客久鄉音好譚深花氣融時盆蘭大放游魚初入隊蓄鳥鎮

嫌籠倚檻石同瘦司馬及余皆久病初起臨池我未工米元章所拜石及墨

池並在州署篙師催不得三日打頭風

江行雜詠

前山欲收青後山尚橫黛飛鳧背斜陽導我出天外我

性適煙波頻年苦湫隘一枕聽江聲幽憂疾已瘥

掛席乘朝涼，露重樹如沐。江光生白曉，染我鬢絲綠。輕雲甫離山，鱗鱗展文縠。或有雲中人，翩然慰幽獨。

荻港午泊

揚帆未覺快，曳綽易生怨。習知謀食艱，豈敢訴勞倦。我暫得驅策，事當寓懲勸。柰何赤日下，安坐視流汗。招之使登舟，姑留爾力半。繫纜綠陰中，鼙聲滿江岸。

夜泊大通驛見月

經旬思對月，乍覺碧天遙。驛火聞吹角，江波見織綃。五松今在否，老葛或相招。且復添衣坐，舟行第一宵。

桐城阻風招土人閒話

汝陰得雨未如切，故鄉思見說。樅陽旱惟餘，五日期重。

傷天豈忍去年大水兩感字見素問疾難支急語親民吏勤求前

詩

阻風

江勢西南下風來正與俱雲飛千嶂動水闊一舟孤倘
挾甘霖至能生萬晦枯吾行任留滯家世習菰蒲

胡二華黼見示近詩

胡生一官百僚底與我同客情相親口所可言獨篇什
意有不合聊吟呻香山正喜老嫗解杜陵幸免丞相瞋
居然

九重識名姓旦晚看爾懷抱伸時大計上考

題畫

閒庭隱約聽孤吟道是花陰又水陰坐到日斜書亦盡
知他底遣此時心

偶讀有正味齋集感題面葉

爪痕根觸雪消餘却憶南園滬瀆寓舍似故居剩有放翁團

扇在看人流淚漬遺書

月下簫聲海上琴詩題一半記同吟怪公留我人間住

兩字長年誤到今

卷中書繼輅字問誤作泐生

一篇神誥感鴻辭此德甯堪論報施發願年年逢忌日

佛龕燈影誦遺詩

艤舟亭畔一帆低小影偏驚日易西此日倚樓人亦去

謂味辛丈

村梅沿路待誰題

沿路村梅苦耐寒
公毘陵道中句

朱霍山

士達

招謁唐兀忠宣公墓因飲大觀亭酒

闌題壁

頻年客寄鄭公鄉
照影初來清水塘
墟墓卽今成眺覽
滄江終古閱興亡
一朝士氣收殘劫
千里秋聲赴夕陽
醉後闌干憑不得
楚天愁思正茫茫
過江山色最無情
袁褚恩恩任死生
塞草尙悲前相國
嶺梅又殉小朝廷
各留佳傳終青史
定有貞魂聚碧城
守墓轉憐危太樸
幾人曳履不聞聲

附錄

陳其松秋麓

登高有酒弔清泠
尙見人心重此亭
三楚烟波連霽

色一家忠孝動江靈
吟餘帆影翻窗白
坐久山光入几青
是否當年喬木在
秋聲無際若爲聽

敗牆幾歲倚江隈
珍重賢侯刈草萊

謂陶懷甯

化鶴倘從

華表見飛鴟
不向墓門哀
九天陰雨孤軍出
半夜奔濤萬馬來
丹荔黃蕉神嗜否
鬱蔥遙望氣佳哉

查揆梅史

七年宣慰繫安危
青史因公一涕垂
吳楚蒼黃殘局盡
江淮彫劫幾人支
孤軍海上田橫島
太守城南許遠祠
歎息鞞刀揮手日
天魔按舞正酣時

江亭秋序劇崢嶸
清水塘西結搆成
往事但聞陳陟起
有人還媿褚淵生
一家兒女風雲氣
百戰兵戈草

木聲我似翟湯千載下墓門來酌卞忠貞

劉 珊海樹

怒濤千古挾軍聲一旅曾櫻四面城上將星辰營陣
結小姑風雨墓門平登陣義激歿民慟却盾恩深死
士傾誰識牙旗環聽講當時裘帶氣縱橫

一角孤亭倚麗譙江天極目莽蕭蕭魚龍出沒靈旗
偃猿鶴淒涼宰樹搖骨肉九原同尺土干戈七載枕
寒潮故鄉我是廬江吏淚灑西風賦大招

閩秋自會城還廬州阻風病瘡傷逝懷人悽然有
作

朔風匝地餉離愁十日江干艤客舟如此煙波非故里

片時裘葛集殘秋鍾期一去琴心死

謂蔡延平

臨穎重逢劍

器收且欲回帆誇破浪小姑看黛豁雙眸

由來涉世戒爭先歸路何妨暫著鞭沈醉恨無千日酒

閒宵并少九江絃一行衰柳藏孤寺萬葉秋聲擁獨眠

輸與故人爲客好

謂伯厚

全家笑語夜燈前

鷓原慟哭不堪聞宦路無繆愴夕曛

子說弟方立樹珊兄林一先後謝世

惜逝直同黃叔度

同人痛惜方立不減皋文

論才誰識李元賓杜門

地僻惟成夢入世情多悔造因正是姊喪除未得又看

斷鴈一傷神

同舟話舊各潸然

劉公子廷英

對此茫茫集百端海上琴樽

方丈遠日邊雲樹玉樓寒俊游留取譚天寶典論何人

續建安畢竟彭殤難一致升湛久付老僧觀

過舒城哭前博士段君

達和

百感蒼茫集薄醺故山無處望斜曛我來腸斷桃溪渡

風景依稀似白雲

吾鄉渡名君所居也今爲張氏宅

將抵桐城簡汪五

珊瑚翡翠絢秋林艷絕龍眠雨後岑三折板橋橫鵲尾
一星驛火照梅心易看吳魏銷兵氣難起應劉和旅吟

竹畝孟塗皆以此月溘逝

只有桃花潭上客杜門不待入山深

桐城道中哭孟塗

愁絕縱陽道秋陰日易積傷心思往事屈指失奇才萬
斛詞源涸三春蕙草摧無煩世人殺一笑上瑤臺

拄笏亭望龍山因簡吳大令

山錫

短短疎籬隔俗塵
江村風景記偏真
圍爐恰稱消寒飲
佇月應逢倚檻人
半額看痕平視近
一畦草路獨來頻
此時鄧尉花開未
閒煞先生墊角巾

拄笏亭夜坐

一笠虛亭倚水隈
偶憐清景此徘徊
江城夜靜時聞鴈

官閣冬暄早放梅
琴酒闌珊人漸老
是日秋簾丈招飲未赴
英雄

割據事堪哀
時仿隋志舊事篇例輯皖江大事記
龍山咫尺徐君墓可許

重聽鬼唱來
哀孟塗也

冬暄戲作

侵曉文窗拓碧紗
夜吟未覺玉輪斜
癡蠅福命勝蝴蝶

親見仙人萼綠華

答周漢川鶴立寄近刻

別緒經三載新詩又百篇可能憑故紙長與駐流年玉

佩消魂地金波望遠天相思通一水夜夜刻溪船

墨瀋看猶濕珠光自辟塵祇餘丁敬禮同哭李元賓已

之冬君及丁大令應鑾同客劉穎州合縣令新題墓良

朋舊指困勉收傷逝淚憐取部中民謂穎州公

飲顧書記桓寓舍之明日簡吳大令張茂才昆榮

江天愁思鎖漫漫徑尺濃雲壓畫闌左宦心情成醉易

謂大彫年景色放懷難小紅一去簫聲咽大令春草全

蕪詩夢殘茂才為亡友可之我是南皮吳季重為君惆

悵損君歡

任亳州

壽世

招飲有作

崢嶸歲事減詩腸

花南句

破戒為君酌此觴坐不序官毋

乃僭譚逢知己尙能狂披圖較比遊山逸

少伯蘭舟各出畫冊見示

休沐翻因說士忙

君方暫解州事

我本彥昇臺畔住一竿煙水

鎮蒼茫

漢碑額五一日漢車尉陳一日卜君之頌一日中

牟魯君一日廣平侯尉一日司農公索直過當不

能償也悵然有作並簡汪四

正勘

過眼煙雲一惘然夜珠十九照人圓向來珍賞知誰氏
暫得摩挲亦夙緣小印畧同銀約指雕籠親送鳥歸禪

為伊棖觸浮生夢獻斷疎鐘半未全

東張四 宜尊

小隔灑湖水一重龍山珍重此相逢美人看寫初三月

仙吏身圍十萬松

君擬留居鄉縣築室湖上種松三十萬株

穎上歐陽終是

客盤中李愿久歸農

謂申

士龍自憶西頭屋遲爾裁純

畫九峰

將留皖城度歲書示慶麟並寄魏昆明同年

十年復此同除夕我是他鄉汝故鄉往事與譚前五度

戊辰在都門己巳在鄉城辛未

在永甯壬申癸酉在洛下來時共記展重陽

余以九月二十

日再至皖城

祭詩自覺清才減守歲方驚去日長頗意玳梁

歸燕否蠻雲塞月正茫茫

桐城詩人方丈于穀從汪氏兄弟見余詩以為古

傷心人之作尺書通意走筆奉答兼訊張太令目疾

鐙殘香燼費支持載酒江湖夢醒時流盡春波飄盡雪

傷心不道有人知

小亭日日對龍山

布政司署有亭曰挂笏正對龍山

山下人家正掩關

樵徑生疎魂不識夢來須趁鶴飛還

愧我曾無記事珠尚書詩格最清癯

余所見方勤襄詩甚多猶憶為公子

傳穆索婦外家有敢云甥似咎可許姪從始之句今君輯方氏詩至七十卷而勤襄遺集散失歷存一律為之然閩孀十八朱顏在也是浮生未見書
勤襄移鎮閩浙遠勞幣聘以疾

赴未

絕憶詩人張敏求琴書典盡况在夢何當翦取吳淞水

張君前官松江有惠政

手為先生洗僂眸

陳大方海

省侍清河阻風未發詩以訊之次令弟

方瀾韻

郎君作賦高王勃賤子移居愧葛洪

余自布政司署移居志局遂留度歲

紙閣對局燈火近

謂伯恬

寒江極望水天空歸仍是客憐

羈宦飛不成行有斷鴻向晚雪晴應見月好看雙影玉

輪中

寒夜雜題

一枝誰與寄橫斜借得春來覺太奢匝地寒風吹不墮

那煩羔酒賞唐花

陳公子舊藏南田畫牡丹余借懸寓室

小齋三面種芭苴遲爾裁箋賦子虛一夜西風吹雨急

可憐真作病相如徐公子乃溥
蕉窗夜課圖

空谷佳人翠袖涼縑絲須白復須長分明似我西頭屋

先倩蘆簾著孟光紛紗
士女

山深路古獨行遲知是新知是故知那不還家看鬢影

香温茶醞試絃時抱琴訪
友圖

一鹿中原抵死爭與人家國太勞生相要莫訝雞鳴早

彈指斜陽下穀城進履
圖

問訊都無半畝田客中情緒畫中憐何人爲滿平生願

多謝窮交朱鶴年野雲爲叔安寫開
軒對綠疇冊子

小除日對雪懷伯游自清河北上

我對寒江思笠澤君隨飛雪夢鞋山故鄉都作幾年別
比屋仍憐良會慳此去征塵應不染相逢雙鬢看誰斑
城南尺五探春近鬱壘重題還未還

除夕懷五真

椒盤五度惜分飛

戊辰己巳辛未壬申癸酉

最憶鄰城血染衣

己巳仲冬

就先友吳君增謀營葬之貲遂留度歲

江水定知歸去好玉顏久謝貴來

稀操齋未減芝蘭氣饋歲聊誇苜蓿肥知爾神傷遺像
側不關別淚灑征駢

崇百藥齋三集弟一

崇百藥齋三集第二

陽湖陸繼輅孫

梅心集

起乙酉正月
盡丙戌八月

庭前有夾竹桃一株詩以贈之

三逕荒涼思竹友分書假借認桃斐春來倘有閒情緒
爲爾風前較瘦肥

偶感

鏡裏容華只自知鄰姬漫訝曉妝遲春愁三月深如海
那有心情理鬢絲

輕薄文辭半失真采旄翠羽太紛紛無人爲問曹公子
何處凌波見洛神

人日飲大觀亭題壁

春來裁七日江水已知春似覺櫓聲軟漸于雲影親此時憑畫檻況值送歸人

宋于庭以是日解纜

戒飲十年久終憐酒

味醇

成敗前朝事登臨倦客心無端感陳跡相與發高吟沙際漚眠熟天涯雁影沈向來吳季重春緒最蕭森

謂花南大

令

顧曲周公瑾

伯恬

心情異昔年傷春大隄柳送客九江絃

于山林歌陽關送客二曲

望遠平蕪近言歸下水便爲歡苦不足奈

此醉時眠

笠澤湖邊艇烟波一望同春潮尙嗚咽鄉夢太冥濛

宦驚衰鬢諸君各轉蓬
歆邪數行字可稱碧紗籠

亭前素壁

過客貴人題詠殆遍

賦得雪宮

齊烟青處偶停車
表海雄風起暮鴉
笑絕屨人滕小國
迎來上客魯東家
燕臺草長空求駿
吳苑花殘罷館娃
一種消沈堪隕涕
牛山回首日西斜

為完顏兵備

麟慶

點定詩集感而有作

家法陳文範詩篇元道州
念惟厘小已憂正切橫流

時高

家堰潰而君擢巡開歸方講求河務
憶並軒窗坐全將嶽色收
故人年未

艾灑涕話前游

丁丑二月與尊君別於泰安遂成永訣

答同年馬水部

瑞辰

猶有浮雲翳太虛
閒愁難遣是離居
神仙被謫思歸佛
富貴無情或著書
牆角短檠斜日後
江干紅蓼賞花餘
爲君棖觸應劉感

謂少雀侍耶
次山方伯

墓草經年未剪除

寒甚寄五真

峭寒如水潑窗紗
坐聽檐冰折玉叉
一月東風三日雪
小庭愁殺蚤開花

伴我孤唵有凍雅
杜門忽覺是天涯
何時緩緩雙輪轉
却聽君家陌上花

聞鴈呈劉詹生廉訪

春風送汝稱歸心
怪汝仍流激楚音
此去稻梁江上少
共憐歲月客中深
天涯舊侶無來信
日暮空庭又薄陰

見說神丹河可塞刀圭先擬試黃金

附錄

陳方澗叔安

悽斷雲中嘹唳聲凌風雙翮去程程一年南北征塵
重萬里江湖別緒成偶過平沙飛暮雨無邊寒色下
孤城天涯我亦懷人久坐燼霜檠入二更

秋麓丈泊舟高明寺成水調歌頭一闕暇日見示
感舊有作

三月烟花艷過江禪關開處客心降半村半郭樓臺遠
非竹非絲水石撞小杜舟輕惟載夢平山月缺尙窺窗
爲公一曲揚州慢唱出樽前玉筯雙

雪中戲答徐公子

乃溥

次來韻

江城全碾玉爲塵暗裏韶光過二旬楚客由來工隱語
杜郎差喜未驚春紅酣且忍三年笑白戰還愁一字貧
容易金鈴聽入破恨無人試六花銀

再用前韻戲柬伯恬君夷子俊

漫倩靈犀辟六塵何曾佛說異波旬二分誰判揚州月
五兩全迎建業春洗手定諳中婦性浣紗已耐十年貧
聘錢天遠知難借別向神山乞藥銀

效楊文公三用前韻

分明重訪隔江春人與春光各二旬出檻自生神女霧
凌波不動洛川塵早依紗幔尤當慧待葺東廂未是貧
底事背燈拋久坐直教落月照斂銀

寄孝逸次來韻

風雪漫天獨鴈飛
開函便有淚沾衣
鶯花催客成衰老
環燕何人較瘦肥
故里琴觴佳日少
京華車騎舊交稀
一般春夢如雲遠
君已離山我未歸

附錄

管繩萊

看到花飛又葉飛
寒衣典盡典春衣
官如緣木魚難得
身似空倉雀不肥
細數世情棋局換
欲傾懷抱酒杯稀
霜鐘與夢爲讎敵
百就千攔未許歸

戲和叔安韻

搖空海水在簾鉤
人與長娥共一樓
爲恐燕環羞欲死
春寒連日罷梳頭

代贈次伯恬韻

殘月非初月新愁續舊愁聞聲拋粉黛欸語賤笙篴半
臂吳絲薄纖腰楚竹修巧疑分柳乞香自媿荀留詩館
元名舫仙居不好樓幾番成眼纈無物報心投屑玉牢
丸滑調餈菘粥稠絺帷迷有霧紙閣貯宜秋對臉先移
枕輕軀稱擁籌傳家三徑菊避跡五湖舟止渴教餐朮
真圓感聚漚盧梁憑燕睇唐韻署鸞雛操鑰隨徐淑懸
弧祀蔣侯意憐梅北向力挽水西流蕭史剛回首仙人
謝狀頭如逢石城槩爲典長卿裘

附錄

周儀暉

舊鏡無留影春風起剩愁低迷金翡翠棖觸鈿篴篴

往事廣蒙楚良期誤蹇修惟應思夢笑強爲減歡留
碧月三更夜璫臺百尺樓因循怨泡幻悵惘說膠投
露雀宵懷警冰蟲夏語稠鮫珠終夕雨蜨粉一身秋
上藥歸龍店中衣冷麝篝香乖王母使目斷鄂君舟
賦色憐朝槿浮家歎暮漚寒暄判愉戚爾汝任恩讎
兩槩迎桃葉雙鬢艷阿侯賓鴻終北向恨水只東流
世態憐黃齷人心感白頭幾聞申旦旦偕隱到菟裘
于廷以金陵近詩見寄次韻答之

灑湖春水尙流澌尺半魚書到未遲載夢江波從蕩漾
窺人璧月破矜持單情憔悴餘雙鬢俊賞傳聞又一時
莫漫青尊邀痛飲眼中誰是謝莊兒

汪太守恩以闔立本畫米芾書歸去來辭合裝成冊索

題

上將初開天策府右相丹青照千古十八學士圖瀛洲
曹霸凌烟未渠數烟雲風捲波流斯米家船上無此奇
先生別得此一幀我來展讀心然疑所繪何事不可知
霜豪細欲分游絲重樓複閣人參差締視一一嫻容儀
小言漫賦觸氏鬥險語敢續矛頭炊就令詩成亦乏善
手寫貝多片葉能竟道德五千辭官閣傳觀古懷劇太
丘心吾通守收藏亦成癖慨然寄贈南宮書小冊裝池題合
璧犇泉挾石世所矜芾也實並蘇黃稱若教持以妃閭
畫猶似遠祖撫頂臨雲仍先生家世金陵住南唐秘笈

應曾遇蕭條宦橐不畏蜀道難

太守前官
四川縣令

何況咫尺平

江接瓜步此書心賞尤在陶公文似勸先生拂衣去先生勿去聽我歌公與閻米皆殊科畫師傳呼宰輔恥元祐謫逐名賢多方今

聖主知人邁唐宋良二千石豈得棲岩阿祝公旦晚任屏翰此畫此書光采換由來物貴以人傳玉枕蘭亭復誰看先生喜我言非狂命我縱筆書左方與來欲訪石丈條閒堂誰歟剪取灑湖之水春汪洋

新霽讌客復爲大風雨所阻遣悶有作

一月纔看三日晴鄉愁難遣是清明暫來紙醉金迷處又聽酸風苦雨聲大地鶯花春夢斷江城波浪客心驚

歡筵佳節尋常事幾度裁牋約不成

答吳侍御

賡枚

次來韻

蹉跎臺省媿諸公敢說寒羶隱可充老屋全荒三徑竹

移家尙滯一帆風

余典屋赴官頃移居皖城風阻未達

漫燒學士如椽燭

聊策書生刻楮功

時與修省志

最是夜闌人未寢江城四月

有秋蟲

秋陰獨坐東汪太守

落葉忽如雨聽秋我最先臨岐知己淚薄暝送人天扇
訝迎涼早眉驚染黛妍誰家老中饋不仗小姑娘憐

蓄米告罄舉家食粥戲成一詩

一樣炊烟氣似虹全家歡笑噉雙弓媿無書比平原好

畧有詩堪少傅同六載素餐棲客雁十年蕭寺憶盤龍

居然四代團欒坐未卜何人劃最工時君乎聰應暨從孫恩應鍾應蓀應

庚應從曾孫佑磨佑珍皆在廡舍

朱大令錦琮自宣城來訪話舊有作

禪榻驚秋客江樓望遠天逢君成一笑此別已經年互

指侵霜鬢邀聽流水弦千秋亦虛願聊用慰樽前

仙吏今餘幾謂申耆梅史石甫先後去皖前游似隔生僑居驚聚散

離緒各縱橫痛淚雨初霽屬有長女之喪哀過於禮君屢貽書見規雙臚月

共明敬亭看厭未珍重遣鄉情

張主簿宜尊為鄧孝廉顯鶴作南村耦耕圖

鄧生家貧一畝無奢願欲作耕田夫可憐懷此不得遂

道逢黃犢生嗟吁張生掀髯易易耳我爲卿作耕田圖
一人驅牛肩荷鋤一人側笠相招呼平疇雨過綠如許
快意指點誇膏腴山環水抱露茅屋畫所未及窺徐徐
山妻日織一疋布兒子夜讀百篇書蠶瓶縱橫雜酒甓
狸奴跳躍驚疲驢豈惟幽棲足忘世埋骨亦勝陶家壚
君不見浮生幻境何不有各以意造供嬉娛華嚴樓閣
彈指現矧此片壤誠區區又不見吾家蠹莊風景殊十
年讀畫空峙蹠圭田已斷先世祿老屋尙屬他人居鄧
生與我差賢愚何修便許游華胥詩成不覺成軒渠送
爾刺促登徵車

鄧孝廉詩集題後

我詩與君詩各有獨至處惟其調不同所以意相慕我
詩如風君如雅一種幽懷此中寫詩才易竭淚不乾人
生憂患來無端君家阿芬已復活君女壽危疾初愈掩卷蒼茫
痛死別謂亡女君淑也

附贈詩

鄧顯鶴湘皋

女耳吟成絮賢哉婦勝梅一門俱有集羣從況多才
偶束塵中帶仍辭俗客杯維摩雖善病懷抱自爲開
此事真千載低頭定幾人天教生並世髯已獨超倫
寂寞羅含宅淒涼孟母鄰唯餘舊衣綫猶共淚痕新
伯厚雲溪送別圖

橋頭慣作分襟地畫裏重看送遠詞柳色淡黃溪水碧

三身二
年年是我別家時

紀異二十韻爲朱宣城

善氣所旁薄動植皆可徵
悄悄朱大令三年宰宣城
庭草日益滋年穀日益登
問君安致此君謝無他能
上承賢母訓治獄必以情
怡然進晨羞鄉思忘尊羹
下課諸子讀壹心絕兼營
粲然后夕秀吹息如蘭馨
家庭樂婉懋敢謂堪儀型
民醇易爲感吏拙非政成
我聞竊歎息諒矣先聖經
易俗以身教捷過賞與刑
肅宇蜚嚴霜橘柚當風傾
回黃忽轉綠一實乃再榮
慈闈千曼壽瑞木儕風聲
嗟哉河陽長養拙辭匪誠
慙負滿縣花終玷千秋名
君家本根厚君更培其莖
英英謝階樹苑苑田氏

荆餘慶理不易常譚君所聽

從陽舟次得子辨書時距君淑之亡九月矣

寒風吹送斷腸箋似有幽魂繞膝前此夜滄江難穩臥
柝聲如雨角如烟

雨雪連朝春寒特甚簡吳大令陳公子

小病經旬感歲華江城寒雨尙如麻羣公知我將焚研
此地何人耐看花蕭颯鬢鬢從點雪支離腰脚稱浮槎

時民間訛言復有水患悶來慵觸丞卿怒擬借筵前鼓一撾

孝逸來宰含山相見有作

一鞭特爲駐斜曛時余司訓報滿將發難得相逢出岫雲

到此情懷成黯黯後來毀譽正紛紛溫柔詩教無嚴酷

終始官聲較惰勤莫漫江城夸坐歎早傳興頌張吾軍

過默菴夜話有作

碧城隱約記前游温嶠依然第二流翰苑文章初放膽

江南轉漕喜迴舟杏花尙苦無消息萍葉何因定去留

絕倒營巢雙燕子

時與默菴皆新移廬舍

春寒如水典征裘

詠秋海棠用漁洋山人秋柳詩韻

春魂銷盡剩秋魂細雨斜風鎮掩門病後淺粧仍絕艷

朝來破粉又成痕回生倩女疑前夢去國明妃失故村

只有詩人能念舊韶華烟景與重論

妬花何必定嚴霜一剪西風過野塘翠袖單寒羞並蒂

嫁衣重疊鎖閒箱底將遺事譚天寶又託情根怨法王

除倩司香舊仙尉秋庭來署女貞坊

露華涼透八銖衣芳訊傳來事事非杜曲春愁吟興減
睂山宵灺燭光稀并無嬌鳥啼花至或有孤螢繞砌飛
枉自牽牛能引蔓片時榮悴素心違

娉婷生小字偏憐紫玉何曾便化烟寶淚經秋猶染絳
薄羅倚檻待裝絲幾人俊賞成前度慰我離愁未隔年
寂寞園林重到處無多詩思夕陽邊

附同作

鄧廷楨嶰筠

乍返珊珊倩女魂護持猶爲掩重門半年春色回香
夢十日秋陰破淺痕蘅芷故應攀別館苧蘿終是怨
荒村陳思只解凌波賦滴粉搓酥孰與論

只禁清露不禁霜采罷扶容過野塘
點臂丹砂封鈿合映肌紅裏啟筠箱
曉風淒咽憐齊女暮雨迷離夢
楚王頻向畫牆西畔見不須走馬碧雞坊

花如人弱不勝衣離合神光認轉非
綽約只宜修竹倚伶僂欲共畹蘭稀
額邊黃褪蜂猶戀麝底紅生蠅
暗飛砌草檐花半麓俗空階相賞不相違

雲籠月寫最堪憐底用燒殘蠟炬烟
爲爾秋吟情宛轉誤人春睡意纏絲
貯嬌可待黃金屋扶醉相看碧
玉年記得故園親手種辛夷花下露葵邊

詠白秋海棠和陳三叔安

才展瓊箋賦小紅

時方和高密中丞秋海棠詩

新聲又唱玉玲瓏牆

根記得埋憂地簾底揀禁破曉風歲歲花期人病後深
深蘭息蜨須中分明淺醉閒眠處珊枕全移碧簾空
納涼院宇貫招邀一到秋來路便遙豈少狂游燒寶炬
肯因寒序換冰綃胭脂山失朱顏減蘆荻風高絳樹彫
艷說徐熙工沒骨後庭花已怨南朝

又和叔安代白秋海棠答謝之作

干卿何事費幽尋飯顆春愁久輟吟入道真妃圖縞袂
單棲卓女訴瑤琴怪他陶徑多頑艷畧比湘花託素心
我自清霜初點鬢秋來情緒易沾襟

憐香無計愧憐才知爾孤心亦漸灰生處便成埋玉塚
此間難築避風臺素娥窺影何曾見青女傳書又屢催

底術爲伊禁忍俊手鑄元石壓蒼苔

崧亭廉訪春湖夜泛圖

春湖茗茗橫碧玉百轉千迴織羅縠夾岸青山化作烟
直接遙空月波綠使君樂水通性情意氣亦與春水平
扁舟一葉櫓聲軟欸乃不遣閒鷗驚備兵飽看秦山翠
太華終南落衣袂

皇恩特許愛江南楚岫吳雲鎮如繪圖中烟水重復重
鏡影艷絕桃花紅湖山平遠此延佇髣髴地似皋亭東
皋亭桃花春萬片我逮先公侍清讌卽今官閣許頻窺
重是華堂舊棲燕蕉萃樊南最感知尊前白菊寄離思
何時西子湖邊艇重訪東坡閣上詩

西湖蘇文忠祠尊
甫尚書公撫浙時

所建祠中
薦詠尤盛

題伯厚近詩

一掬羊曇淚逢君又滿巾謝庭無積雪杜律有傳薪

外先舅西禾先生喬木彫寒翠崇蘭悟夙因九柏山房小蘭亭君家塾名余

深於杜學小時讀書其中今柏半枯死蘭亦萎謝無存矣何年成築室相約共蕭晨

客舍秋容寂君來聽苦吟同羈絕塵驥暫作並巢禽捧

檄嗟吾晚依人非汝心名園謂近園內高祖觀無恙在

終擬愜幽尋

將有北行朱宣城寄詩送別次韻答之

宦海論交不恨遲依然仙吏解相思行程漸覺長安遠

歸夢惟應江水知

三集二
三
三間老屋牽漁艇
一夜新霜警鴈羣
問我離愁都幾許
秋陰連日敬亭雲

乘風氣短人將老
知己恩深願未酬
一樣高寒遙望處
已無清夢上瓊樓